

蘇公求退吏清閑

人人若論識清閑除是蓬萊第一仙無極雲霞爲伴侶半空風
月作因緣用通要到飄然到使慧如遷卽便遷公把凡軀仍脫
了請來此處話長年

夢

嬉遊外景日相親每到中宵睡裏真七魄樂隨魔鬼轉三尸喜
逐耗神津心猿緊縛无邪染意馬牢擒不夜巡四假身軀販白
書筭來何異寐時人

呂善友索金剛經偈

金剛四句首摩訶其次須尋六字歌仗起慧刀開般若若能超越

道藏輯要

重陽金真集

十 上胃集一

岸證波羅識心見性通真正知汞明鉛類蜜多依得此中端的
義上騰碧落出娑婆

于公求自幼不食五穀

此因只在玉京山不必盤餐注貌顏養氣每憑真水潤顛神長
似白雲閑行功盈滿超中位鉛汞相投出此間直待外邊滓穢
盡甚時光彩始迴環

問清閑

心中澄湛莫煎熬性上恬然舉慧刀挫碎紅塵搜得得劈開黑
洞認陶陶穿峰明月爲吾友過嶺孤雲是我曹作伴爲隣歸去
後任遊三島訪蟠桃